

ხელშეკრულება სახელმწიფო შესყიდვის შესახებ № 62 09/09/13

10/09/2013 წელი

ქ. თბილისი

შემსყიდველი: შპს „საქაერონავიგაცია“ (ს.კ. 208144051), წარმოდგენილი გენერალური დირექტორის, გონა მუზერიშვილის სახით,

მისამართი: ქ. თბილისი, აეროპორტი 0198, ტელ. 274-42-27

საბანკო რეკვიზიტები: ს.ს. ბანკი „რესპუბლიკა“ ბ.კ. REPLGE22

ა.ა. GE 69 BR000000005467067

მიმწოდებელი: შპს „კ.ი.ტ.“ (ს.კ. 205189071), წარმოდგენილი დირექტორის, გიორგი ხუნწარიას სახით,

მისამართი: ქ. თბილისი, ყაზბეგის გამზ. 29/2 ბ.89

საბანკო რეკვიზიტები: ს.ს. „საქართველოს ბანკი“,

ბ.კ. BAGAGE22, ა.ა. GE 19 BG 0000000178321000

ერთის მხრივ - შემსყიდველი, და, მეორე მხრივ, - მიმწოდებელი, ადასტურებენ, რომ მათ შორის მიღწეულია შეთანხმება შემდეგზე:

### მუხლი 1. ხელშეკრულების ობიექტი

- 1.1. ხელშეკრულების ობიექტია ქ. ქუთაისში კოპიტნარის აეროპორტში შპს „საქაერონავიგაციის“ ტერიტორიაზე მდებარე ოფისის შენობისა და სათვალთვალო კომპლექსის დანართში მოცემული საქონლის შესყიდვა (შემდგომში, საქონელი).
- 1.2. საქონლის დასახელება, აღწერილობა, ზომები და რაოდენობა მოცემულია დანართში (ხარჯთაღრიცხვა), რომელიც ხელშეკრულების განუყოფელი ნაწილია.
- 1.3. ხელშეკრულება იდება საქართველოს მთავრობის 2011 წლის 5 ივლისის №1390 განკარგულების საფუძველზე.
- 1.4. შესყიდვის ობიექტის კლასიფიკატორის კოდებია (CPV) 44411100, 44411300.
- 1.5. საქონლის მიწოდების და მონტაჟის ადგილია შპს „საქაერონავიგაციის“ ობიექტი, კოპიტნარის აეროპორტი.

*Handwritten signature*

## მუხლი 2. ხელშეკრულების შესრულების კონტროლი

- 2.1. შემსყიდველი უფლებამოსილია განახორციელოს კონტროლი და ზედამხედველობა ხელშეკრულების პირობების შესრულებაზე, რომლის მიზანია საქონლის მიწოდების ვად(ებ)ის, რაოდენობისა და ხარისხის შესაბამისობის დადგენა ხელშეკრულებით გათვალისწინებულ პირობებთან.
- 2.2. ხელშეკრულების პირობების შესრულებაზე კონტროლს შემსყიდველის სახელით ახორციელებენ განვითარებისა და პროექტების მართვის სამსახურის სპეციალისტი, ალექსანდრე ფოჩხუა და განვითარებისა და პროექტების მართვის სამსახურის უფროსი, ლევან გეგეშიძე, რომლებიც წინამდებარე ხელშეკრულებაზე ხელმოწერით ადასტურებენ, რომ აღნიშნულ გამარტივებულ შესყიდვაში მათი მონაწილეობა არ იწვევს ინტერესთა კონფლიქტს ("სახელმწიფო შესყიდვების შესახებ" საქართველოს კანონის მე-8 მუხლის პირველი პუნქტის "გ" და "ე" ქვეპუნქტები).

## მუხლი 3. მიღება-ჩაბარების წესი

- 3.1. საქონელი ჩაითვლება მიღებულად მხარეების უფლებამოსილი წარმომადგენლების მიერ მიღება-ჩაბარების აქტის გაფორმების საფუძველზე.
- 3.2. დასაშვებია საქონლის ეტაპობრივი მიწოდება. საქონლის მიწოდების ყოველ ეტაპზე ფორმდება მიღება-ჩაბარების აქტი.
- 3.3. შემსყიდველის სახელით მიღება-ჩაბარების აქტზე ხელმოწერის უფლებამოსილება ენიჭებათ ხელშეკრულების 2.2. პუნქტში მითითებულ პირებს.

## მუხლი 4. ხელშეკრულების ღირებულება და ანგარიშსწორების წესი

- 4.1. ხელშეკრულების ჯამური ღირებულებაა 880,44 (რვაას ოთხმოცი ლარი 44 თეთრი) ლარი.
- 4.2. საქონლის ერთეულის ღირებულება მოცემულია ხელშეკრულების დანართში.
- 4.3. ჯამური ღირებულება მოიცავს მიმწოდებლის ყველა ხარჯსა (მათ შორის, ტრანსპორტირებისა და მონტაჟის ხარჯებს) და საქართველოს კანონმდებლობით დადგენილ ყველა გადასახადს, მათ შორის, დამატებული ღირებულების გადასახადს.
- 4.4. გადახდის ფორმაა უნაღდო ანგარიშსწორება საქართველოს ეროვნულ ვალუტაში.

C. შიშა

- 4.5. ანგარიშსწორება განხორციელდება მიწოდებული საქონლის შესახებ მიღება-ჩაბარების აქტის გაფორმებიდან, სასაქონლო ზედნაღებისა და საგადასახადო ანგარიშფაქტურის შემსყიდველისთვის წარდგენიდან 10 დღის ვადაში.

#### **მუხლი 5. მხარეთა უფლება-მოვალეობანი**

- 5.1. მიმწოდებელი ვალდებულია:
- 5.1.1. მიაწოდოს და დაამონტაჟოს ხელშეკრულების დანართში მოცემული დასახელების და რაოდენობის საქონელი ხელშეკრულების ძალაში შესვლიდან 2013 წლის 20 ოქტომბრამდე.
  - 5.1.2. გასწიოს საქონლის საგარანტიო მომსახურება, რომელიც გულისხმობს ნაკლის მქონე საქონლის შეცვლას ახლით ან/და შეკეთებას. მიწოდებული საქონლის საგარანტიო ვადაა 1 წელი, რომელიც აითვლება მიღება-ჩაბარების აქტის გაფორმებიდან.
  - 5.1.3. შეასრულოს სახელშეკრულებო ვალდებულებები პირადად და არც მთლიანად და არც ნაწილობრივ არ გადასცეს ხელშეკრულებით გათვალისწინებული თავისი ვალდებულებები მესამე პირებს.
- 5.2. მიმწოდებელი უფლებამოსილია:
- 5.2.1. მოითხოვოს ხელშეკრულების ღირებულების დროული და სრული გადახდა.
  - 5.2.2. მოითხოვოს ხელშეკრულების პირობების დაცვა.
  - 5.2.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.
- 5.3. შემსყიდველი ვალდებულია:
- 5.3.1. გადაუხადოს მიმწოდებელს მიწოდებული საქონლის ღირებულება ხელშეკრულებით დადგენილი წესით.
- 5.4. შემსყიდველი უფლებამოსილია:
- 5.4.1. არ გააფორმოს მიღება-ჩაბარების აქტი, თუ საქონელი არ შეესაბამება ხელშეკრულებით დადგენილ მოთხოვნებს.
  - 5.4.2. განახორციელოს კონტროლი და ზედამხედველობა ხელშეკრულების შესრულებაზე.
  - 5.4.3. მოითხოვოს ხელშეკრულების პირობების არაჯეროვანი შესრულებით, შეუსრულებლობით მიყენებული ზიანის ანაზღაურება.

#### **მუხლი 6. მხარეთა პასუხისმგებლობა**

- 6.1. ხელშეკრულებით დადგენილ ვადებში სახელშეკრულებო ვალდებულების შეუსრულებლობის ან არაჯეროვანი შესრულების შემთხვევაში, მიმწოდებელი ვალდებულია

გადაუხადოს შემსყიდველს პირგასამტეხლო შეუსრულებელი ვალდებულების 0,1%-ის ოდენობით ყოველი ვადაგადაცილებული დღისთვის.

- 6.2. ხელშეკრულების ღირებულების გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო გადასახდელი ღირებულების 0,1%-ის ოდენობით ყოველი ვადაგადაცილებული დღისთვის.
- 6.3. მხარეებს ყოველთვის აქვთ უფლება მოითხოვონ ხელშეკრულების შეუსრულებლობით ან/და არაჯეროვანი შესრულებით მიყენებული ზიანის ანაზღაურება საქართველოს კანონმდებლობით დადგენილი წესით.

### მუხლი 7. ფორს-მაჟორი

- 7.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს პასუხისმგებლობის დაკისრებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 7.2. ხელშეკრულებს მიზნებისთვის "ფორს-მაჟორი" ნიშნავს მხარეებისთვის გადაულახავ და მათი კონტროლისგან დამოუკიდებელ გარემოებებს, რომლებიც არ არიან დაკავშირებული მხარეების შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება იყოს გამოწვეული ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით და სხვა.
- 7.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისგან.

## მუხლი 8. ხელშეკრულების შეწყვეტა

- 8.1. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მეორე მხარისათვის წინასწარი შეტყობინების შემდეგ:
  - 8.1.1. თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია საქონლის მიწოდება.
  - 8.1.2. თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.
  - 8.1.3. თუ შემსყიდველისთვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას.
  - 8.1.4. საქართველოს კანონმდებლობით გათვალისწინებულ სხვა შემთხვევებში.
- 8.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისგან.
- 8.3. ამ მუხლის 8.1. პუნქტის თანახმად, ხელშეკრულების შეწყვეტის ინიციატორი მხარე ვალდებულია შეატყობინოს მეორე მხარეს ხელშეკრულების შეწყვეტის განზრახვის თაობაზე არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალების გამოყენებით.

## მუხლი 9. ხელშეკრულებაში ცვლილებებისა და დამატებების განხორციელების წესი

- 9.1. ხელშეკრულების ნებისმიერი ცვლილება ან დამატება უნდა გაფორმდეს წერილობითი ფორმით.
- 9.2. ხელშეკრულების პირობების შეცვლა დაუშვებელია, თუ ამ ცვლილებ(ებ)ის შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 9.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

*ე. ბილა*

**მუხლი 10. დაგების გადაწყვეტა**

10.1. მხარეები ვალდებული არიან მოაგვარონ ყველა უთანხმოება მოლაპარაკების გზით, ხოლო ურთიერთშეთანხმების მიუღწევლობის შემთხვევაში, დავას წყვეტს სასამართლო საქართველოს კანონმდებლობით დადგენილი წესით.

**მუხლი 11. ხელშეკრულების მოქმედების ვადა**

11.1. ხელშეკრულება ძალაში შედის ხელმოწერის საფუძველზე ხელშეკრულების თავში მითითებული თარიღიდან და მოქმედებს 2013 წლის 31 დეკემბრამდე.


**მუხლი 12. დასკვნითი დებულებები**

12.1. ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად და ინახება ხელშეკრულების მხარეებთან.

**მუხლი 14. მხარეთა ხელმოწერები**


შემსყიდველის სახელით:

გონა მეზურიანი  
გენერალური დირექტორი



მიმწოდებლის სახელით:

გიორგი ხუნწარიანი  
დირექტორი



*C. Muzuri*

